

Powšitkowne WOZJEWJENJA

njedźelu, 26. apryla 2015

TCM wuhotuje mejski nyšpor

Na mejski nyšpor do Róžanta přeprašuje Towarstwo Cyrila a Metoda z.t. Tutón budže nje-dźelu, 3. meje, w 17. hodź. Hudźbnje wobrubja jón šulerjo Budyskeje hudźbneje šule a jeho wotnožki w Pančicach-Kukowje.

Džěci a žarowanje

Za džěci, kotrež žaruja, dokelž su přez smjerc bliskeho přiwuzneho zhubili, chce Hornjołužiski zwjazk Carity wosebitu skupinu wutworić. K přenjemu zetkanju su potrjeheni přiwuzni, kublarjo a institucije wutoru, 28. apryla, wot 17.30 do 19 hodź. do Kamjenskeho Katolskeho džěčaceho domu, Wysoka dróha 2, přeprašeni.

Duchowna hudźba

W Budyskej serbskej cyrkwi budžetaj njedźelu, 3. meje, we 18 hodź., Michał Donat z Chróscic a cyrkwiniski hudźbny direktor Friedemann Böhme z Budyšina na piščelach hrać. W rjedže „Duchowna hudźba“ zaklinča wuznamne twórby piščeloweje hudźby Ámenta F. Lukácsa, Johanna Pachelbela, Johanna Sebastiana Bacha, Leona Boellmanna a Johannes Matthiasa Michela. Zastup je darmotny. Wo kolektu so prosy. Wšitcy su wutrobnje přeprašeni.

Do Swjateho kraja

Drježdžanski biskopski ordinariat skedźbnja na putnikowanje „Po bibliskich slědach w Swjatym kraju“. Tute wotměje so wot pjatka do pjatka, 18. do 25. septembra. Nawoda budže farar na wuměnkju Norbert Jensch z Drježdžan. Zajimcy měli so hač do 3. julija w ordinariaće pod telefonowym čisłom (03 51) 3 36 47 83 přizjewić. Nadrobny program putnikowanja je pod www.posol.de wozjewjeny.

Ministrantska kopańca

Na koparski turněr su ministranća ze serbskich wosadow přeprašeni. Tutón wotměje so dzeń po Božim spěću, pjatk, 15. meje, w Pěskecach. Započatk je z Božej mšu w 9 hodź. we wjesnej cyrkwičce.

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka „Při Klósterskej wozdže“ budže pjatk, 8. meje, w 19 hodź. w hnadownej cyrkwi Róžeńce. Wšitcy wobornicy kaž tež hosćo su k tomu přeprašeni.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 9. meje. Wot 13 hodź. je přiležnosć k swjatej spowědźi. Modlenje swjateho rózowca započnje so w 13.30 hodź. Rózowcej přizamknje so w 14 hodź. Boža mša, kotruž změje farar Michał Anders. Na nej wudźěli so tym, kotřiž sej to přeja, žalbowanje chorych. Po kemšach poskići so swačina.

Za wulět samostejacych so přizjewić

Samostejacy ze serbskich wosadow změja wutoru, 2. junija, swój lětuši zhromadny wulět z busom, kotryž powjedže do Choćebuza a do Błótow. Zajimcy njech so hač do wutory, 26. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

Wulět do sewjerneje Pólskeje

Pólski farar Edward Wasowicz z Neustadta-Sebnitz poda so ze swojimi wosadnymi wot póndzele do njedzele, 11. do 17. meje, na busowu jězbu do sewjerneje Pólskeje (Gdańsk, połkupa Hel, hród Malbork a Licheń). K tomu ma hišće někotre městna swobodne. Přístup do busa budže w Budyšinje. Nadrobniše informacije ma farar Gerat Warnar w Baćonju.

Z papu pokład pytać

Nanojo ze swojimi dźěćimi su wot pjatka do njedzele, 8. do 10. meje, do Smochčanskeho Domu biskopa Bena přeprašeni. Zhromadnje chcedža tam za pokładami žiwjenja pytać. Zajimcy njech so pod telefonowym čislom (03 59 35) 2 23 17 přizjewja.

Putnikowanje młodžiny do Krupki

Młodostni wot 16 lět su přeprašeni wot njedzele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chróścicach na farje, telefonowe čisło (03 57 96) 80 400. Po tym so žane přizjewjenja hižo njeprizwozmu. Putnicy zetkaja so njedźelu, 28. junija, po nyšporje w Chróścicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

Putniska jězba do Fatimy a do Santiaga de Compostela

Maćij Hadank z Hórkow organizuje putnisku jězbu z lětađlom wot pjatka hač do pjatka, 11. do 18. septembra, do Fatimy a Santiaga de Compostela. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodź.) abo pola njeho w Hórkach, Sydlišćowy puć 2.